

年案沿途雖准售賣然過第一子口該商仍應報明在何處售賣何貨若干由關卡註明單上蓋戳放行如匿單不呈仍應照約辦理照馬關約運貨到地雖准暫租棧房第所謂暫者即指所運一次之貨准其租棧暫存蓋貨運到地不能無寄儲之處不獨該棧仍爲華商之棧且貨亦祇能暫存不能代爲經理銷售如其始終承租該棧又復代爲售貨則與開設行棧何異洋商不准在內地開設行棧既載煙臺條約亦經英國駐京大臣通飭各領事有案何能借暫租棧房以爲影射之計至單內載不得出入海口字樣雖與現辦情形不符而所載貨運到地應在地方官衙門或釐局繳銷辦法未改單內將此一節塗抹顯係該商所爲意在匿單不繳單上加蓋出吳淞戳記未據稟報有案恐亦係該商私加須至咨者

各省理財彙誌

北京 崇文門稅務監督應於本年七月間 簡放現聞崇文門稅務將歸商部兼辦其監督一缺亦由商部堂官補授 赫總稅司加稅條陳袁慰帥李勉帥錫清帥已有覆奏將中國古今賦稅之數詳加比較畧謂加賦必不能辦惟清丈一事當設法辦理云

直隸 蘆鹽加價歸公一款本自光緒二十五年六月至三十年五月杪五年期滿停止現因庫儲奇絀應解洋款防費實無所出由長蘆運使詳直督袁宮保展限五年仍以七成提歸公用三成津貼商人袁宮保據實入奏已蒙 俞允 山東 烟臺東阜公司商董李刺史祖范具稟商務局擬在烟臺開設官銀分號由東阜銀號代理請飭發官款庫平銀

二萬兩作為該號行動資本長年官利六釐按五期本利繳清商務局憲據情轉詳已奉院批如詳辦理

河南 河南設立籌款所刊發關防札派布政使瑞良按察使鍾培會同候補道費道純公同辦理統捐一案以與現辦釐章程無異仍照向章辦理又全省水占沙壓地畝停緩銀十六萬七千餘兩加以水旱荒田錢糧除報墾升科外尚有停征未復地丁銀十八萬三千餘兩漕糧一萬八千三十餘石現已設立清源局派布政使瑞良按察使鍾培會同候補道許葆連專司其事一律清查均經豫撫陳中丞奏准照辦 歸德縣東達江蘇碭山縣南達安徽亳州北鄰山東曹縣均為產硝之區惟亳州抽收硝捐碭山曹縣皆未籌辦茲河南籌款所議定自本年四月初一日起無論年批鋪批每斤加價六文詳蒙批准而歸德縣郭大令其章以抽收加價期集巨款既須咨明向辦各省尤須咨商鄰

省同時舉辦否則避重就輕在所不免等情稟經汴撫批飭籌款所核議原稟各節為整頓稅捐禁絕弊端起見似宜照准辦理惟查硝為軍火所關例應嚴禁私販應請分咨各省轉飭各局員於採買硝斤足數後報明各地方官黏貼印花填寫執照派勇護送如沿途各州縣及各局卡查無印花執照即以私硝論現汴撫陳筱帥已准咨各省督撫照行

江蘇 江蘇所籌練餉係在甯蘇兩屬丁漕項下共提銀二十一萬兩自光緒三十年上忙為始而督撫司道各局員共報効銀六萬五千兩已由江督魏制軍蘇撫恩中丞會銜入奏 江南義賑彩票公司開辦以來於應繳釐洋僅照售票張數尚不按月清解屢以滯銷藉詞稟請添設副票經江督魏制軍批斥略謂該公司現在已將屆六年之限既稱辦法已窮應即飭令停止勒限將短欠釐洋繳清改歸官辦以裕餉源應如何訂定官辦章程仰江藩司妥議稟復

浙江 浙江百貨釐金先已由大憲議令確查銷產實數一律招商承認此時各省統捐尚無劃一章程若遵令改歸官辦更易統捐名目勢必紛更觀望轉難有成浙撫因即專摺入告請暫時仍行招商承認俟各省定有劃一章程再行議

財 政

一百六十二

六月

改云云業已奉 旨俞允 浙紹等屬印花酒捐頗有成效歲可收洋四十餘萬元惟印花未能精細恐有情弊故總辦王欽山太守另繪精細花紋詳司飭造蓋用鈐記

福建 閩省煙酒稅派銀三十萬兩又各屬差缺浮收款目酌提歸公銀十萬兩署閩督李制軍因以官累民貧難籌鉅款懇免加征提解入奏 廈門商政局接奉北京銀行咨文及章程分諭商董轉飭各商業一體知照銀行備銀四百萬兩公家籌認一半餘令各省招股每股計庫平銀一百兩云

湖北 蘆漢鐵路開行以來創設貨捐局凡由火車運貨者納值百抽二五之半稅一次鄂豫皆不重徵商旅稱便近來開行漸遠裝載日多河南境內之駐馬店澤灣河鄭城各處皆設分局雖附近各釐金收數較絀而鐵路貨捐日形暢旺云

湖南 湖南長沙府稅關於五月初一日開辦 署乾州應劉司馬刻已於城內創設因利局任民貸錢營生不取利息惟至還錢之期每串取錢十四文作為辦公經費護撫憲張中丞大加獎許並飭各屬一律仿辦

新疆 新疆逼近於俄撫帥欲招練新軍以固邊圉因餉項難籌軍火不足電請外務部代奏大意謂本地籌捐斷難望有成數非他省協濟不可俄志不伸於東三省必將遷怒於此此事萬不可緩云

四川 重慶百貨釐金抽入關者曰老釐出關暨上下游船隻論所裝水力多寡以抽取者曰新釐咸同設置之初新釐只抽船運故僅以唐家港迴龍石香國寺三處設驗卡早挑則免川督錫制軍因川省年攤賠款甚鉅去冬增添早挑於是九城門與陸路衝要地方皆派司事盤察偷漏今春又因預籌鐵路經費於酒土兩項加倍征收以其非民間必需之物其他應納貨物雖零星亦必認真故能涓滴歸公也

廣東 粵省商務總局照會七十二行董內開奉到岑督札諭擬除海關掛銷號稅請將該項歲入之款約略查明設法籌抵以憑詳請咨商辦理等因當經該商董移覆謂查掛銷號餉一事爲各省關卡所無尤爲粵省特別弊政今岑督憲毅然籌議去此苛政合粵士商戴德無極竊查餉向章每洋貨百斤抽收掛號錢數文係於關稅正餉之外加抽爲數本屬有限而各口司巡人等藉端勒索遇事苛罰每有漏報數文之餉而被罰至數十金者夫以此區區數文之餉於國帑所入無多而丁役苛求無盡論行政非革號口不足以便民論商務非革號口不足以振興論國計革號口而商務可與商務興而餉項自富此相因而至自然之理也故商董等前經具稟督憲乞奏免抽在案其各口號餉每年約收銀若干商紳等再三考查均難得其實數蓋正項有限而罰款多充公少而中飽鉅也此等號餉權憲每年當有報銷冊可查應請貴總局咨明粵海監督查明確數以昭覈實云云

廣西 署粵督岑制軍桂撫柯中丞以廣西應解新舊賠款無從籌解奏請敕部另撥 柯中丞設法籌款不遺餘力以鴉片煙一項爲中國浩劫以征爲禁除設土膏統捐加稅外現又加抽烟館燈捐約計通省抽稅所入甚多即以之充團練經費俟數月後各府州縣親兵練成團練募齊即將客軍撤退防軍裁減以節糜費

各國財政彙誌

各國 光緒二十九年全球產金共值美國金洋三百二十七兆四萬九千七百五十元合值佛郎一千六百九十四兆十一萬七千七百零五元新金山產金值英洋八十八兆十七萬零九百元西澳大利得居其半產金二兆四十四萬一千二百四十一兩即七萬五千九百二十三基勞美國得五十五兆五十萬兩即一兆七十二萬六千零五基勞值英洋一百七十四兆四十二萬五千三百四十元哥羅拉道二十二兆舊金山十六兆五十三萬五千元亞拉斯加六兆九十